

LATINE: HISTORIA NATURALIS, PLINIUS

M^a TERESA BELTRÁN, M^a TERESA CASES, MERCEDES GARCÍA

(GRUPO GALATEA)
grupogalatea@gmail.com

Sequitur **terra**, cui uni rerum naturae partium eximia propter merita cognomen indidimus maternae **nascentes excipit, natos alit semelque editos et sustinet semper**, novissime complexa gremio iam a reliqua natura abdicatos, **tum maxime ut mater operiens, nullo magis sacra merito quam quo nos quoque sacros facit**, etiam monimenta ac titulos gerens nomenque prorogans nostrum et **memoriam extendens contra brevitatem aevi**, cuius numen ultimum iam nullis precamur irati grave, **tamquam nesciamus hanc esse solam quae numquam irascatur homini.**

Aquae subeunt in imbres, rigescunt in grandines, tumescunt in fluctus, praecipitantur in torrentes, aer densatur nubibus, furit procellis: at haec benigna, mitis, indulgens ususque mortalium semper ancilla, quae coacta generat, quae sponte fundit, quos odores sapesque, quos sucos, quos tactos, quos colores! [...] Illa serpentem homine percusso amplius non recipit poenasque etiam incertum nomine exigit. **Illa medicas fundit herbas et semper homini parturit.**



[...] Verum fateamur: **terra nobis malorum remedium genuit, nos illud vitae facimus venenum.** Non enim et ferro, quo carere non possumus, simili modo utimur? nec tamen quereremur merito, etiamsi maleficii causa tulisset. **Adversus unam quippe naturae partem ingrati sumus.** Quas non ad delicias quasque non ad contumelias servit homini? In maria iacitur aut, ut freta admittamus, eroditur. aquis, ferro, igni, ligno, lapide, fruge omnibus cruciatur horis multoque plus, ut deliciis quam ut alimentis famuletur nostris.



Et tamen quae summa patitur atque extrema cute tolerabilia videantur: **penetramus in viscera,** auri argentique venas et aeris ac plumbi metalla fodientes, gemmas etiam et quosdam parvulos quaerimus lapides scrobibus in profundum actis. Viscera eius extrahimus, ut digito gestetur gemma, quo petitur.

Ferae enim, credo, custodiunt illam arcentque sacrilegas manus. Non inter serpentes fodimus et venas auri tractamus cum veneni radicibus? Placatiore tamen dea ob haec, quod omnes hi opulentiae exitus ad scelera caedesque et bella tendunt, quodque sanguine nostro rigamus insepultisque ossibus tegimus, quibus tamen velut exprobrato furore tandem ipsa se obducit et scelera quoque mortalium occultat. **Inter crimina ingrati animi et hoc duxerim quod naturam eius ignoramus.**

[liber II, 154-159]



I. Lege et comple:

1. Cur terrae matris nomen damus? Quia _____ excipit, natos _____ semelque editos et _____ semper.
2. Aquae subeunt in _____, rigescunt in _____, tumescunt in _____, praecipitantur in _____.
3. Quae semper terra homini procurat? Illa _____ fundit _____ et semper homini parturit.
4. Quid facimus cum terrae remediis? nos illud vitae facimus _____.
5. Quomodo cum terra agimus? Adversus unam quippe naturae partem _____ sumus.
6. Quid in terrae viscera quaerimus? _____que venas et aeris ac _____ metalla, gemmas etiam et quosdam parvulos _____.
7. Plinius dicit ut cum terra pessime agimus quod naturam eius _____.

II. Quae ex latinis verbis proveniunt?

Llatí	Valencià	Castellà
TERRA		
NATURA		
COGNOMEN		
FLUCTUS		
SERPENTEM		
HERBAS		
REMEDIIUM		
VENENUM		
FERRO		
PARTEM		
DIGITO		
MANUS		